



Peqatigiiffiit eqquiniaasitsineranni (lottornermi bingornermilu il.il.) akileraarutinik akiliuteqartarunnaarsillugit eqquiniaasitsinermi akileraarutit pillugit Inatsisartut inatsisaanni § 1 imm. 4-p allangortinneqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Akileraartarunnaarsitsineq aningaasanoorutinik pinnguarnermi eqqukkanut atuutsinneqassanngilaq.

(Inatsisartunut ilaasortaq Jens Immanuelson, Siumut)
(Siullermeernera)

Inatsisartuni ilaasortap Jens Immanuelsonip peqatigiiffinnut taperseruiniarluni siunnersuutaa iluarinarpoq. Siunnersuut ilalerneqassappat taava peqatigiiffiit eqquiniaatitsinerminnut atatillugu eqqukkanit akileraassaassapput assersuutigalugu bingortitsisimagunik imaluunniit arlaatigut eqquiniaatitsisimagunik.

Demokraatini minnerpaamik ajornartorsiutit marluk takusinnaavagut.

Siullermik tamatuma kinguneranik Landskarsip isertittakkani milliunilikkaat annaassavai. Taakku aningaasat allami nassaarineqartariaqassapput, siunnersuummilu allassimannngilaq, sumi qanorlu taakku aningaasat nassaarineqassanersut.

Aappasaanik Demokraatini isumaqarpugut eqquiniaasitsinermi akitsuut appasereeqisoq akissarsiat akileraarutaannut allanut naleqqiullugu. Imaassinnaavoq peqatigiiffinnut bingortitsineq, eqquiniaatitsineq allatulluunniit aningaasannanniarneq akilersinnaassammat taamaattoqartoq, peqatigiiffinni siunertanut katersuiniarneq ilapittuutaqqullugu.

Demokraatini allatut oqaatigalugu isumaqarpugut malittarisassat peqatigiiffinnut ullumikkut ajunngereersut aamma isumaqarpugut kukkunerussasoq inuiaqatigiit aningaasaataat atorneqassappata peqatigiiffiit eqquiniaatitsineranut atatillugu akileraarutinut akiliisannginnissaannut.

Tamanna tunngavigalugu siunnersuutip itigartinneqarnissaa inassutigaarput.